

ତେସ୍‌ଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପ୍ରଥମ ପତ୍ର **ତେସ୍‌ଲନିକିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ପର୍ତୁମ୍ ଆକି** **୧ ତେସ୍‌ଲନିକିୟ ପତି ବିସ୍ତେ ପାଦେକ୍**

ପରତୁମ୍ ତେସ୍‌ଲନିକିୟ ପକ୍ୟାତି ପାଉଲ୍‌ତି ହୁକେ ଲେକା ଆଜି ମାତାତ୍ । ଇଦାଂ ଆଜି ମାନଗାନାତ୍ ପାଉଲ୍‌ତି ହୁଦାଂ ପରତୁମ୍ ଆକି ଲେକା ଆଜି ମାତାତ୍ ଆରି ହେଦାଂ ବାଇବଲ୍‌ନି ରଞ୍ଜାଙ୍ଗ୍ ବାଗ୍ ଆତାତ୍‌ନା । ଇଦାଂ ଜିସୁ କ୍ରିଷ୍ଟତି ଜଲମ୍‌ନି ଲାଗେ ଲାଗେ ଆଜି ମାନଗାନାତ୍ ରିକତି ଏଗାର୍ ୫୧ ବାର୍ହୁ ପାତେ ଲେକା ଆଜି ମାତାତ୍ । ପାଉଲ୍ ଏତେକାତ୍‌ଦ ତେସ୍‌ଲନିକିୟ ମଣ୍ଡଳିତିଂ ଆକି ଲେକିକିତାନ୍, ହେଞ୍ଜାଡାଲିଂ ହେଞ୍ଜାନ୍ କରନ୍ତି ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳିତିଂ ହେଞ୍ଜାନ୍ ରିହା ମିସେନେରି ହାଜି ହାନିଞ୍ଜାଡାଲିଂ ହେ ମଣ୍ଡଳି ରଚ୍ଚି ମାତାନ୍ ପକ୍ୟାତାକା ୧:୧-୧୦ ଇଦାଂ ପକ୍ୟାତି ପତିତ ଇନ୍‌ପାତାନ୍ନା ଜେ, ଇଦାଂ ଏତେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ଡତ ଇଞ୍ଜି ମାନି ମାନାୟାର୍ ହୁଦାଂ ରଚ୍ୟା ଆଜି ମାତାତ୍ ।

ପାଉଲ୍ ମଣ୍ଡଳି ରଚ୍ଚି ପାତେ ହେଞ୍ଜାନ୍ ବେସି ଦିନ୍ ତେସ୍‌ଲନିକିୟତ ମାଞ୍ଜେଙ୍ଗ୍ ଆଡ଼ଞ୍ଜାତାନ୍ । ଲାଗିଂ ହାରିହାରା ହେବେ ମାନି ପାତ୍ କିନାକାରିଂ ସାସ୍ ହିଦେଂ ହେଞ୍ଜାନ୍ ଇ ଆକି ପକ୍ତାନ୍ । ରଞ୍ଜାନ୍ କ୍ରିଷ୍ଟିୟାନ୍ ଇନେସ୍ ଜିଦେଂ ଆନାତ୍, ଇ ଆକିତ ବେସି ବିସ୍ତେ ଆରି ବାରବିନି ଝେଚ୍‌ନାକା ମାନାତ୍ ।

ପାଉଲ୍ କେତେଗଟାତ ରିହା ଖାନି ବିସ୍ତେ ମାନ୍ ଦିଆନ୍ ହିନାନ୍ । ଆଜି ମାନଗାନାତ୍ ତେସ୍‌ଲନିକିୟ ମଣ୍ଡଳି ନି ପାତ୍ କିଞ୍ଜାକାର୍ ବିନ୍ ବାବ୍ରେ ଇ ବିସ୍ତେ ତିରକାତ୍ ମାତାର୍ । ପାଉଲ୍ ରିହା ଖାନି ବିସ୍ତେ ଇଞ୍ଜି ଇନେସ୍ ଇସ୍‌ରଚ୍ଚିଂ ଦୁକ୍‌କିନାକା କିନି ଲାକେ ଜିବୁନ୍ ଜିଉଣା କିନି କାଜିଂ ପକ୍ତାନ୍ ୫:୬-୮ ।

୧ ତେସଲନିକିୟ ପଠି ବିସେନି ରାହାଣ

- ୧. ପାଉଲ୍ ମଣ୍ଡଲିତିଂ ବାନ୍ଧାୟ କିନାନ୍ ଆରି ଇସ୍ପରତିଂ ଜଞ୍ଜାର କିଜି ଇ ଆକି ଆରମ୍ କିତାନ୍ନା ୧ ପାର୍ବୁ ।
- ୨. ପାଚେ ହେଞ୍ଜାନ୍ ତିମତି ତାହିଞ୍ଜାତି କାବୁର୍ ଆରି ହେଞ୍ଜାନ୍ତି କାମାୟ ବିସ୍ତେ ଖେଚ୍ଚାନ୍ ୨ ଆରି ୩ ପାର୍ବୁ ।
- ୩. ପାଉଲ୍ ବଲ୍ ହିନାନ୍ ଜେ, କ୍ରିଷ୍ଟିନାର୍ ଜିସୁ କ୍ରିଷ୍ଟିତ ରିହା ଖାନାକା ଅଜଡତ ଇନେସ୍ ଜିବୁନ୍ ଜିପ୍ତକା କିନାକା ମାନାତ୍ ୪:୧-୫ ।
- ୪. ପାଉଲ୍ ଆରେ ରଗ ମଣ୍ଡଲିତ ବାନ୍ଧାୟ କିନାନ୍ ଆରି ହେଞ୍ଜାରିଂ ହାତ୍ପା ବାବ୍ରେ ଚିଟି ପଠିକିଦେଂ ଇଞ୍ଜି ଖିନ୍ନାନ୍ ୫:୧୭-୨୮ ।

୧ ପାଉଲ୍, ସିଲ୍ଲାନ ଆରି ତିମତି ଆବା ଇସ୍ପର ଆରି ମାପୁ ଜିସୁ କ୍ରିଷ୍ଟାକେ ମାନି ତେସଲନିକିୟ ମାନାୟାର୍ ମଣ୍ଡଲି ଲାଗାଂ ଆକି ଲେକିକିନାନା । ଦୟା ଆରି ସୁସ୍ତା ମି କାଜିଂ ଆଏଡ୍ ।

ତେସଲନିକିୟନିକାର୍ତି କାଜିଂ ଦନ୍ୟବାଦ୍ ଆଏଡ୍

୨ ମା ଇସ୍ପର ଆରି ଆବାତି ଲାଗାଂ ଆସେଙ୍ଗ୍ ମି ପାଚିନି କାମାୟ, ଜିଉନନି କସୁ ଆରି ମା ମାପୁ ଜିସୁ କ୍ରିଷ୍ଟି ବିସ୍ତେ ମି ବାସିଂ ତ ପାର୍ତାନା ବିସ୍ତେ ସବୁଖେଡାଙ୍ଗ୍ ଏତୁ କିଜି, ୩ ମା ଆବା ଇସ୍ପରତି ଲାଗାଂ ଏତୁ କିଜି ମାନାସ୍, ଇନେସ୍ ଏପେଙ୍ଗ୍ ଜାର୍ ପାଚିଂ କାମାୟତ ମେହାୟ କିନାଦେରା, ଜିଉନନିତ ମେହାଜି ଇନେସ୍ କସୁ କାମାୟ କିନାଦେରା ଆରି ମା ମାପୁ ଜିସୁ କ୍ରିଷ୍ଟି ତାକେ ମି ବାସିଂ ଇନେସ୍ ତାଡ୍ । ୪ ଇନାକିଦେଂକି ଏ ଇସ୍ପତି ଜିଉନନି ଟଣ୍ଡାର ଆରେ ତଣ୍ଡାଦେକ୍ ଆପେଂ ପୁନାପ୍ ଜେ, ଏପେଙ୍ଗ୍ ବାଚିକିୟାତି ଲକ୍ଷୁ, ୫ ନେକ୍ରିକାବୁର୍ କେବଲ୍ ବଚନ୍ ଆକାୟ, ମତର୍ ସାକ୍ତି ପୁଇପୁୟା ଜିବୁନ୍ ଆରି ଆଦିକ୍ ହାତ୍ପା ଲାହାଙ୍ଗ୍ ମି ଲାଗାଂ ଏକାଞ୍ଜାତାଡ୍; ମି ବିତ୍ରେ ମାନି ସମୁତ ମି କାଜିଂ ଆପେଂ ଇନେସ୍ କିଜି ଚିନ୍ତା କିଜି ମାନ୍ତାପ୍, ହେଦାଂ ତ ଏପେଙ୍ଗ୍ ପୁନାଟ୍ । ୬ ଆରେ ଏପେଙ୍ଗ୍ ବେସି କସୁ ବଗି କିନି ବିତ୍ରେ ପୁଇପୁୟା ଜିବୁନ୍ତାଂ ପାୟାତି ଦୁକ୍ କିନାକା ଲାହାଙ୍ଗ୍ ହେ ନେକ୍ରିକାବୁର୍ ମାନି କିଜି ମାଙ୍ଗେଙ୍ଗ୍ ଆରି ମାପୁତି ପାଚେହାନାକା ଆଜି ମାଚାଦେର୍, ୭ ଇ ଲାକେ କି ଏପେଙ୍ଗ୍ ମାକିଦନିଆ ଆରି ଆକାୟାତ ମାନାକାର୍ ଖିଜାର୍ ପାଚିଂ

କିନାକାର କାଜିଂ ହାର ଲାକେ ଆଜି ମାଚାନ୍ । ୮ ମିତାଂ ମାପୁତି କାତା ଜେ କେବଲ୍ ମାକିଦନିଆ ଆରି ଆକାୟାତ ସୁଣାୟ୍ କିୟାତାତ୍ତନା, ହେଦାଂ ଆକାୟ୍, ମତର୍ ଇସ୍ତ କାଜିଂ ମି ପାତ୍ ନି ବିସ୍ତେ ସବୁ ବାହାତ ଏପେଙ୍ଗ୍ ମେଙ୍ଗ୍ତାତ୍ତନା ଜେ, ହେ ବିସ୍ତେ ମାଦାଂ ଇନାକା ଇନି ଲଡ଼ା ଆକାୟ୍ । ୯ ଲାଗିଂ ଲକୁ ଜାର୍ ଜାର୍ ମା ବିସ୍ତେ ଇଞ୍ଜି ମାନାର୍ ଜେ, ମି ବିତ୍ତେତ ମା ଖାନାକା ସମୁତ ଇନାକା ଗିଟା ଆଜି ମାଚାତ୍, ଆରେ ଇନେସ୍ ଏପେଙ୍ଗ୍ ପୁତ୍ତା ପୁଜା ସବୁ ପିସ୍ତ୍ର ପୁଇପୁୟା ଜିରୁନ୍ ଆରି ହାତ୍ପା ଇସ୍ତ ହେବା କିନି କାଜିଂ ଖାତାଦେର୍, ୧୦ ଆରେ, ହେଖାନ୍ ଜାର୍ ଇମ୍ପାଣି ମାଜିଙ୍ଗ୍ ହାତାକାର୍ ବିତ୍ତେତାଂ ନିକ୍ତି ମାଚାନ୍, ଖାନି ରିସାତାଙ୍ଗ୍ ମାଙ୍ଗେଙ୍ଗ୍ ରାକ୍ୟାକିଦେଂ ହେ ଜିସୁତି ସାଗେତାଂ, ଖାନାକା ମାନି କାଜିଂ ଇସ୍ତ ନିପ ଖାତାଦେର୍ ।

୨

ତେସଲନିକିୟାତ ପାଉଲ୍ତି କାମାୟ୍

୧ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ତ ନିଜେ ପୁନାଦେର୍ ଜେ, ମି ଲାଗାଂ ମା ଖାନାକା ପଲ୍ୟା ଆଖାତାତ୍ତନା; ୨ ମତର୍ ଇନେସ୍ ଏପେଙ୍ଗ୍ ପୁନାଟ୍, ଆପେଂ ତା ଆଗେ ପିଲିପିପିତ ଦୁକ୍ ଆରି ଅପ୍ମାନ୍ କିତି ପାଚେ ମି ତାକେ ବେସି ଜିରୁନ୍ ଜିପ୍କା କିଜି ଇସ୍ତରିତି ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଇଞ୍ଜି ମା ଇସ୍ତରିତି ହୁଦାଂ ସାସ୍ ପାୟା ଆଜି ମାଚାପ୍ । ୩ ଇନାକିଦେଂକି ମା ଉପ୍ଦେସ୍ ବାଣାୟ୍ କିନାକା ନୟେଲେ ବିଟାଡ୍, ଲାକେ ନୟେଲେ ଚାକ୍ତାୟ୍ କିନାକା ଆକାୟ୍, ୪ ମତର୍ ମା କେଇଦ ନେକ୍ତିକାରୁର୍ ସୁଣାୟ୍ କିନି ବଜ୍ ହେଲାୟ୍ ଆଦ୍ନି କାଜିଂ ଆପେଂ ଇନେସ୍ କି ଇସ୍ତରିତି ହୁକେ ଜଗ୍ ଗାଣା କିୟାତାପ୍ନା, ହେ ଲାକେ ଆସେଙ୍ଗ୍ ସୁଣାୟ୍ କିନାସ୍; ଲାଗିଂ ମା ମାତ୍ର ପରିକ୍ୟା କିନାକାନ୍ ଜେ ଇସ୍ତର୍, ହେଖାନିଂ ସାରି କିଦେଙ୍ଗ୍ କାଜିଂ ହେଦାଂ କିନାସ୍ । ୫ ଏପେଙ୍ଗ୍ ତ ପୁନାଦେର୍ ଜେ, ଆସେଙ୍ଗ୍ ଇମ୍ପାଣି ସମୁତ ମାତି କିନାକାନ୍ ଚିନ୍ତା କିଖାତାପ୍ନା ନଇଲେ ଲବ୍ତିଂ ତ୍ତୁନି କାଜିଂ ନାଡ଼ାୟ୍ କିଖାତାପ୍ନା, ଇସ୍ତର୍ ଇବେନି ସାକି । ୬ ଆତିସ୍ପା କ୍ରିସ୍ତୁତି ପକ୍ୟାତି ଲାକେ ଆସେଙ୍ଗ୍ ମାନିନି ଦାବା କିଦେଙ୍ଗ୍ ଆଡ଼ତାପ୍ନା, ଆତିସ୍ପା ମିତାଙ୍ଗ୍ ଆୟେଡ୍ ନଲେ ବିନେ ଇନେର୍ ତାଙ୍ଗ୍ ଆୟେଡ୍, ଇମ୍ପାଣି ମାନାୟ୍ତାଂ ଜାଜ୍ମାଲ୍

ଗାଟାଦେଂ ଉପାୟ କିଞ୍ଚାତାପନା ।^୭ ଜଦି କ୍ରିଷ୍ଟି ପକ୍ୟାତାକାସ୍ ମତର୍ ଆସେଙ୍ଗ୍ ମି ବିତ୍ରେ ହୁଦାର୍ ଆଜି, ଆୟା ଇନେସ୍ ଜାର୍ ହିମ୍‌ଣାକାଂ ପହାପାଲି କିନାଡ଼, 「ମି କାଜିଂ ମାଦାଂ ଖାରି ମାତିସ୍ ଆପ୍ ହେ ଲାକେ ମିଙ୍ଗେଙ୍ଗ୍ ଇସ୍‌ରତି ନେକ୍ରିକାବୁର୍ କେବଲ୍ ଆକାୟ୍, ମତର୍ ଜାର୍ ଜାର୍ ଖାସ୍ତି ପା ହିଦେଂ ମାନ୍ କିଜିମାଟାପ୍, ଇନାକିଦେଂକି ଏପେଙ୍ଗ୍ ମା ଖାରିନିକାଦେର୍ ଆଜି ମାଟାଦେର୍ ।^୯ ଏ ଟଣ୍ଡାର୍, ଆରି ତଣ୍ଡେକ୍ ମା କସ୍ ଆରି ଆଟ୍‌ଖା କାମାୟ୍ ମି ଏଡ଼ତ ମାନାଡ଼, ଇନେସ୍ ଆପେଂ ମି ବିତ୍ରେ ଇନେରିଂ ବଜଲାକେ ଆଉପ୍, ଇଦାଂ କାଜିଂ ଖେଡ଼ାନାଣା ବେସି କସ୍ କିଜି ଇସ୍‌ରତି ନେକ୍ରିକାବୁର୍ ମି ତାକେ ସୁଣାୟ୍ କିଜି ମାଟାପ୍ ।

^{୧୦} ଏପେଙ୍ଗ୍ ଆରି ନିଜେ ଇସ୍‌ର ମା ସାକି ମି ଲାକେ ପାତ୍ କିନାକାର୍ ଲାଗାଂ ମା ବେବାର୍ ନିର୍ମାଲ୍ ନ୍ୟାୟନିକା ଦସ୍ ହିଲ୍‌ଖାତାଡ଼ ।^{୧୧} ଆରେ ଏପେଙ୍ଗ୍ ତ ପୁନାଦେର୍, ଆବା ଇନେସ୍ ଜାର୍ ମାଜିରିଂ, ହେ ଲାକେ ଆପେଂ ମି ଜାଣକେତିଂ ବୁଜାୟକିଜି ଆରି ଉସକାୟ୍ ଜିସୁ ଜବର୍ ଗଞ୍ଜାରି କିଜି ମାନାପ୍ ।^{୧୨} ଆପ୍ ମିଙ୍ଗେଙ୍ଗ୍ ଖାରି କିଜି ମାନ୍‌ଟାପ୍, ଦୁକ୍‌ସାରାୟ୍‌ତ ଗଞ୍ଜାରି କିଜି ମାନ୍‌ଟାପ୍ ଇନେସ୍ ମିଙ୍ଗେଙ୍ଗ୍ କୁକତିତି ଇମ୍‌ଣି ଇସ୍‌ର, ଜିବୁନ୍ ହେଖାନ୍ତି ରାଜି ଆରି ସବୁ ନାଜିଂ ବାତା ଆନାର୍ ଜାଜ୍‌ମାଲ୍‌ତ ମେହାଆନି କାଜିଂ ଏପେଙ୍ଗ୍ ହେଖାନ୍ତି ହାଦ୍ ଚିନ୍ତା କିୟାଡ଼ ।

^{୧୩} ଆରେ, ଇନେକିଦେଂକି ଆପ୍ ପା ଲାଗିସ୍ ଇସ୍‌ରତି ଜଞ୍ଜାର୍ କିନାପା ଜେ, ଏଚେକାଡ଼୍‌ଏ ଏପେଙ୍ଗ୍ ମାହୁଦାଂ ସୁଣାୟକିତି ଇସ୍‌ରତି କାତା ଇଚ୍‌ତାଦେର୍, ହେ ଏଚେଖେଡ଼ାଙ୍ଗ୍ ହେଦାଂ ମାନାୟତି କାତାଲାକେ ଇଚ୍‌ଖାଦାଂ ନଲେ ଇସ୍‌ରତି କାତାଲାକେ ଇଡ଼ଜି ମାଟାଦେର୍, ଆରେ ହାଡ଼ପାନେ ହେଦାଂ ଇସ୍‌ରତି କାତା ଆନାଡ଼, ଆରେ ପାତ୍ କିନାକାଦେର୍ ଜେ ଏପେଙ୍ଗ୍, ମି ଖାସ୍ତିତ ହେଦାଂ ପା କାମାୟ୍ କିନାତା ।^{୧୪} ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ କ୍ରିଷ୍ଟ ଜିସୁତି ତାକେ ମାନି ଜିହୁଦା ଦେସ୍‌ନି ଇସ୍‌ର ମିଣ୍ଡଲି ସବୁନି ହୁଡ଼ଦେଂ ଲାକେ ଆତାଦେଣ୍ଡା, ଲାଗିଂ ହେଖାର୍ ଜିହୁଦିତ୍ ହୁକେ ଇମ୍‌ଣି ସବୁ ଦୁକ୍‌ବର୍ କିଜି ମାଟାର୍, ଏପେଙ୍ଗ୍ ପା ଜାର୍

ଜାତିତ ହୁଦାଂ ହେ ସବୁ ଦୁକ୍ତବଗ୍ କିତାଦେଣ୍ଣା । ୧୫ *ହେ ଜିହୁଦିର୍ ମାପୁ ଜିସୁଙ୍ଗ୍, ଆରେ ଇସ୍ବରତି ବେଣ୍ବାକ୍‌ଣାୟ୍‌କିନାକାରିଂ ପା ଅଜି ମାତାର୍, ଆରେ ମାଙ୍ଗ ନିନ୍ଦା କିଡ଼ତାର୍, ହେଞ୍ଜାର୍ ଇସ୍ବରତି ମାନ୍ତ୍ରହାଲ୍‌ଞ୍ଜି ଲଗୁ ଆରି ଝିଜୁ ମାନାୟ୍ ଜାତିତି ସାତୁ, ୧୬ ଇନାକିଦେଂକି ଇସ୍ବରତିଂ ପାତ କିଞ୍ଜି ଜିହୁଦିର୍‌ତି ମୁକ୍ତି ଆନାକା କାଜିଂ ହେଞ୍ଜାର୍ ଲାଗାଂ ସୁଣାୟ୍ କିଦେଙ୍ଗ୍ ହେଞ୍ଜାର୍ ମାଙ୍ଗେଙ୍ଗ୍ ବାଦା ହିଡ଼ତାର୍‌ନା; ଇ ଲାକେ ହେଞ୍ଜାର୍ ନିତ୍ରେ ଜାର୍ ଜାର୍‌ତିଂ ପାପ୍ ବାତ କିତାଣ୍ଣା; ମତର୍ ହେଞ୍ଜାର୍‌ତି ଜପି ରିସା ପୁରାବାତ ଆରତାତେ ।

ଆରେ ହାଞ୍ଜେଙ୍ଗ୍ ଇଞ୍ଜି ପାଉଲ୍‌ତି ଖାରି

୧୭ ମତର୍, ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମାନ୍ତ୍ର ଆକାୟ୍, ମତର୍ ଗାଗାଡ଼୍‌ତ ଅଲପ୍ ସମ୍ବୁ କାଜିଂ ମିଙ୍ଗେଙ୍ଗ୍‌ତାଂ ବିଗ୍ଡା ଆଜି ମାଟିଲେ ମି ମୁମ୍ ହୁଡ଼ଦେଂ ବେସି ଇଚା ହୁକେ ଆଦିକ୍ ସେସ୍ଟା କିଜି ମାତାପ୍ । ୧୮ ଇଦାଂ କାଜିଂ ଆପେଂ ମି ଲାଗାଂ ହାନି କାଜିଂ ମାନ୍ କିଜି ମାତାପ୍, ଆନ୍ ପାଉଲ୍ ରଗ, ରିହା ମାନ୍ କିଜି ମାତାଂ, ମତର୍ ସୟ୍‌ତାନ୍ ମାଙ୍ଗେଙ୍ଗ୍ ବାଦା ହିଡ଼ତାଡ଼ । ୧୯ ଇନାକିଦେଂକି ମାଙ୍ଗ୍ ମାପୁ ଜିସୁତି ଖାନି ସମ୍ବୁତ ତା କଟଣ୍ଡ ମା ଆହା, ଦୁକ୍‌କିନାକା କି ଗରବ୍‌ନି ମୁକୁଟ୍ ଇନାକା ? କି ଏପେଙ୍ଗ୍ ଆକାୟ୍ ? ୨୦ ଏପେଙ୍ଗ୍ ତ ମା ଜାଜ୍‌ମାଲ୍ ଆରି ଖାରିକିନିତ କାରଣ୍ ଆନାଦେର୍ ।

୩

୧ *ଇଦାଂ କାଜିଂ ଆପେଂ ଆରେ ହୁଞ୍ଜେଙ୍ଗ୍ ଆଡ଼ଞ୍ଜିତିଲେ ଏତେନ୍‌ସ୍‌ତ ରଞ୍ଜାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତିର୍ କିତାଙ୍ଗ୍; ୨ ଆରେ, ମି ପାତ ବିସ୍ତେ ମିଂ ଖାରିକିୟ୍ କିଦେଂ ଆରି ମିଙ୍ଗେଙ୍ଗ୍ ସୁସ୍ତା କିଦେଂ, କ୍ରିସ୍ତୁତି ନେକ୍ରିକାରୁର୍ କାମାୟ୍‌ତ ଇସ୍ବରତି ହାଙ୍ଗ୍‌ଦାକାର୍ ଟଣ୍ଡେନ୍‌ ତିମତିଙ୍ଗ୍ ପକ୍‌ତାତାପ୍ । ୩ ଇନେନ୍‌ସ୍‌କି ଇନେର୍ ଇ ଝିଜୁ କସ୍ବୁ ବିତ୍ରେ ଏନେତେନେ ଆମାଟ୍ । ଆସେଙ୍ଗ୍ ହେଦାଂ କାଜିଂ ବାଟିକିୟାତାସନା ଇଞ୍ଜି ଏପେଙ୍ଗ୍ ତ ନିଜେ ପୁନାଦେର୍ ଲାଗିଂ ଏପେଙ୍ଗ୍ ଇସ୍ବରତି ମାନ୍ । ୪ ଇନାକିଦେଂକି ମାଙ୍ଗେଙ୍ଗ୍ ଜେ କସ୍ବୁ ବଗି କିଦେଙ୍ଗ୍ ଆନାଡ଼, ଇଦାଂ

☆ ୨:୧୫ ୨:୧୫ ପକ୍ୟାତାକା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.
 ☆ ୩:୧ ୩:୧ ପକ୍ୟାତାକା ୧୭:୧୫.

ଆପେଂ ମି ଲାହାଂ ମାନି ସମୁତ ମିଲୋଙ୍ଗ୍ ପୁର୍ବେତାଂ ଚାନେକ୍ତିଂ ଚାନେକ୍ ଖେଚ୍ଚି ମାନଚାପ୍, ଆରେ ହେ ଲାକେ ଗିଟା ଆତାଡ୍, ଆରେ ଏପେଙ୍ଗ୍ ହେଦାଂ ପୁନାଟ୍ । ^୫ ଇଦାଂ କାଜିଂ, ଏଚେକାଡ୍ଦ ସୟତାନ ମିଲୋଙ୍ଗ୍ ପରିକ୍ୟା କିଜି ମାନଞ୍ଜାନାନ ଆରି ମା କାମାୟ୍ ପଲ୍ୟା ଆଜି ମାନାଡ୍, ଇଦାଂ ପାଣ୍ଡାଜି ଆନ୍ ପା ଆରେ ହୁଞ୍ଜେଙ୍ଗ୍ ଆଡ୍ଝାଦାଂ ମି ପାତର୍ କିନି ବିସ୍ତେ ପୁଞ୍ଜେଙ୍ଗ୍ କାଜିଂ ମାନାୟ୍ ପକ୍ତାତାଂ ।

^୬ ଇଦାଂ ପାଚେ ମି ଲାଗାଂତାଂ ମାସ୍ତି ଖାଜି ତିମତି ମି ପାତର୍ ଆରି ଜିଉନନି ବିସ୍ତେ ହାର୍ ନେକ୍ଟିକାବୁର୍ ତାଇଖାତାଣ୍ଡା । ହେଖାନ୍ ମାଲୋଙ୍ଗ୍ ଖେଚ୍ଚାତାନ ଜେ, ଏପେଙ୍ଗ୍ ନିତ୍ତେ ମାଦାଂ ହାର୍ କାମାୟ୍ କିନାଦେରା ଆରି ଆପ୍ ଇନେସ୍ ମିଲୋଙ୍ଗ୍ ହୁଡ୍ଦେଂ ଇଚା, ଏପ୍ ପା ହେ ଲାକେ ମାଲୋଙ୍ଗ୍ ହୁଡ୍ଦେଂ ଇଚା କିନାଦେରା । ^୭ ଇଦାଂ କାଜିଂ, ଏ ଟଣ୍ଡାର୍, ଆରି ତଣ୍ଡେକ୍ ମି ପାତର୍ କିନି କାଜିଂ ଆପେଂ ମା ଓଜୁ ହାବଡ୍ଡ ଆରି କସ୍ତୁ ବଗିକିନିତ ମି ବିସ୍ତେ ଦୁକ୍ସାରାୟ୍ କିୟା ଆତାପ୍ନା; ^୮ ଇନାକିଦେଂକ ଆପେଂ ନଂ ଜିତାପ୍ନା ଜଦି ଏପେଙ୍ଗ୍ ମାପୁ ତାକେ ବିଖାହିଂ ଆଜି ମାନାଟ୍ । ^୯ ଆଁ, ମା ଇସ୍ପରତି ଲାଗେ ମି କାଜିଂ ଆପେଂ ଜେ ଓଜୁ ଖାରିତ ଖାରି ଆନାପା । ହେବେନି ବାଦୁଲ୍ ଲାକେ ମି କାଜିଂ ନଙ୍ଗ୍ ଇସ୍ପରତି ଜୁଖାର୍ କିଦେଙ୍ଗ୍ ଆଡ୍ଝାନାନ୍ । ^{୧୦} ମି ପାତର୍ ତ ଇନାକା ଉଣା ମାନାଡ୍, ହେଦାଂ ପୁରାୟ୍ କିଦେଙ୍ଗ୍ ଇଞ୍ଜି ଆପେଂ ମି ଲାହାଂ ଇନେସ୍ ମେହାଆଦେଂ ଆଡ୍ଝାସ୍, ଇଦାଂ କାଜିଂ ଖେଡା ନାଣା ବେସି ପାର୍ଡାନା କିନାପା ।

^{୧୧} ମା ଆବା ଇସ୍ପର ନିଜେ ଆରେ ମା ମାପୁ ଜିସୁ ମି ଲାଗାଂ ମା ହାନି ହାଜି ରଚ୍ଚନାନ୍ । ^{୧୨} ଆରେ, ମି କାଜିଂ ମାଦାଂ ଇନେସ୍ ଜିଉନନାକା, ହେ ଲାକେ ହାରିତିଂ ଆରି ଓଜାର୍ କାଜିଂ ଜିଉନନିତ ମାପୁ ମିଲୋଙ୍ଗ୍ ଆରେ ଆଦିକ୍ ଲାକେ ବାତାୟ୍ କିଦେନ୍ । ^{୧୩} ହେଖାନ୍ ମି ଖାସ୍ତି ସୁସ୍ତା କିଜି ଇଟାଟ୍, ଇନେସ୍ ମା ମାପୁ ଜିସୁ ଜାର୍ ଓଜୁ ଦାମର୍ ଲାହାଂ ଖାନାକା ସମୁତ ଏପେଙ୍ଗ୍ ମା ଇସ୍ପର ଆରି ଆବାତି ଲାଗାଂ ପୁଇପୁୟାତାଂ ଦସି ଆଖାଦାଂ ଚଞ୍ଜୟାନାଦେର୍ । ଆମେନ୍ ।



✧ ୩:୬ ୩:୬ ପକ୍ୟାତାକା ୧୮:୫.

ଇସ୍ଵର୍ ମୁମ୍ତ ସାରିନିକା ଜିବୁନ୍

୧ ଏ ଟଣ୍ଡାର, ଆରି ତଣ୍ଡେକ୍ ହାରିହାରାତ ଇନେସ୍ ଲାକେ ଚିନ୍ତା କିଜି ଇସ୍ଵର୍ତିଂ ସାରି କିନାକା ମାନାଡ଼, ହେ ବିସ୍ଵେ ଏପେଙ୍ଗ୍ ମା ତାଙ୍ଗ୍ ଇନେସ୍ ହିକ୍ୟା ଗାଟାତାଦେଣ୍ଟା, ଆରେ ଏପେଙ୍ଗ୍ ପା ଇନେସ୍ ଜିବୁନ୍ ଜିପ୍ଵକା କିନାଦେରା, ତା ଲାକେ ଆରେ ଆଦିକ୍ ଖାଦେଂ କାଜିଂ ଆପେଂ ମାପୁ ଜିସ୍ଵତି ତରଦ ମିଙ୍ଗ୍ ଗଞ୍ଜାରି କିଜି ଖାରି କିଦ୍ନାପା । ୨ ଆପେଂ ମାପୁ ଜିସ୍ଵତି ଆଦିକାର୍ ମିଙ୍ଗେଙ୍ଗ୍ ଇନା ଇନା ବଲ୍ ହିଜି ମାନଟାପ୍, ହେଦାଂ ତ ଏପେଙ୍ଗ୍ ପୁନାଦେର୍ । ୩ ଇନାକିଦେଂକି ଏପେଙ୍ଗ୍ ଇନେସ୍ ପୁଇପୁୟା ଆନାଦେର୍, ଇଦାଂ ଇସ୍ଵତ୍ ଇଟା, ଇନାକିଦେଂକି ଏପେଙ୍ଗ୍ ଇନେସ୍ ଦାରିତାଂ ଦେହା ମାନାଟ୍, ୪ ଜାଣକେ ପୁଇପୁୟା ଆରି ହାରି ଦୁକ୍‌କିନାକା ବାବ୍ରେ ଜାର୍ ଜାର୍ କାଜିଂ କଗ୍ଲେ ଇଡ଼ଦେଂ ପୁନାଦେର୍, ୫ ଆରେ, ଇନେସ୍ ଇସ୍ଵତ୍ ବିସ୍ଵେ ପୁନ୍‌ଖାତାକାଦେର୍ ଇସ୍ଵର୍ତିଂ ପାତ୍ କିଞ୍ଚି ଜିହୁଦିର୍ ଲାକେ ବାନ୍ୟାକାମାୟତ ହାଲ୍‌ଖାଦାଂ, ୬ ଆରେ, ଇନେସ୍ ଇନେର୍ ଇ ବିସ୍ଵେ ହାନ୍ଦି ନାସି ଜାର୍ କ୍ରିଷ୍ଟ୍ ଟଣ୍ଡେନିଙ୍ଗ୍ ନିନ୍ଦା କିଞ୍ଚାତାନ୍ତି, ଲାଗିଂ ମାପୁ ଇ ଖିଜୁ ବିସ୍ଵେ ଦାଣ୍ଡିଦ୍ନାକାନ, ଇନେସ୍ ଆପେଂ ପୁର୍ବେ ପା ମିଙ୍ଗେଙ୍ଗ୍ ଖେଟ୍ଟି ସାକି ହିଜି ମାସ୍ତାପ୍ । ୭ ଇନାକିଦେଂକି ଇସ୍ଵର୍ ମାଙ୍ଗେଙ୍ଗ୍ ବିଟାଡ଼୍ତ ଜିବୁନ୍ ଜିପ୍ଵକା କିଦେଙ୍ଗ୍ କାଜିଂ କୁକ୍‌ତାଖାଦାଂ ପୁଇପୁୟା ଆନି କାଜିଂ କୁକ୍‌ତାତାନ୍ନା । ୮ ଲାଗିଂ, ଇନେନ୍ ଇଦାଂ ଇଟୁଂଖାତାନ୍, ହେଖାନ୍ ମାନାୟତିଂ ଇଟ୍‌ତାନ୍, ମତର୍ ଇମ୍‌ଣି ଇସ୍ଵର୍ ମି ଖାସ୍ତିତ ଜାର୍ ପୁଇପୁୟା ଜିବୁନ୍ ହିଡ଼ତାନ୍ନା, ହେଖାନିଂ ଇଟୁନ୍ ।

୯ କ୍ରିଷ୍ଟ୍ ପାତ୍ ବିସ୍ଵେ ମି ଲାଗେ ଲେକିକିନାକା ଲଡ଼ା ଆକାୟ୍, ଇନାକିଦେଂକି ଏପେଙ୍ଗ୍ ଜାଣକେତିଂ ଜିଉନନି କାଜିଂ ଇସ୍ଵର୍ତି ହୁଦାଂ ନିଜେ ହିକିଡ଼ ଆତାଦେଣ୍ଟା, ୧୦ ଆରେ, ହାଡ଼ପାନେ ଖିଜୁ ମାକିଦନିଆତ ମାନି ଖିଜାର୍ ଟଣ୍ଡେନ୍ କାଜିଂ ଏପେଙ୍ଗ୍ ହେଦାଂ କିନାଦେରା । ଆତିସ୍ପପା ଏ ଟଣ୍ଡାର, ଏପେଙ୍ଗ୍ ଇନେସ୍ ଆରି ଆଦିକ୍ ଲାକେ ହେଦାଂ କିନି କାଜିଂ ଗଞ୍ଜାରି କିନାଦେରା, ୧୧ ଆରେ, ମିଙ୍ଗ୍ ହିଡ଼ତି ମା ବଲ୍‌ଇସାପେ ଏପେଙ୍ଗ୍ ଇନେସ୍ ସୁସ୍ତାରେ ବାହା କିଜି ଜାର୍ ଜାର୍ କାମାୟତ ଲାଗାଆଦେଂ ଆରି ଜାର୍ ଜାର୍ କେଇଦ କାମାୟ୍ କିଦେଙ୍ଗ୍ ମର୍ଜଦା

ବିସ୍ତେ ବାବି କିନାଦେରା, ଇଦାଂ କାଜିଂ ଆସେଙ୍ଗ୍ ମିଙ୍ଗେଙ୍ଗ୍ ଗଞ୍ଜାରି କିଦନାପା । ୧୨ ଇ ବାନି କିନି ହୁକେ ଇନେସ୍ ବାରତି ଲକୁ କାଜିଂ ଏପେଙ୍ଗ୍ ହାଦିଂ ମାନ କିୟାଟ୍, ଆରେ ମିଦାଙ୍ଗ୍ ଇମ୍ପଣାକା ଅବାଦ୍ ଆଡ଼ଟ୍ ।

ମାପୁତି ଖାନାକା

୧୩ ଏ ଟଣ୍ଡାର୍, ଆରି ତଣ୍ଡେକ୍ ବାସି ହିଲ୍ଡି ବିନ୍ ଡିଜାକାର୍ ଲାକେ ଏପେଙ୍ଗ୍ ଇନେସ୍ ଦୁକ୍ ଆମାଟ୍, ଇଦାଂ କାଜିଂ ହାତି ଲଗାତ୍ ବିସ୍ତେ ଏପେଙ୍ଗ୍ ଜେ ପୁନ୍‌ଖାଦାଂ ମାନାଦେର୍, ଇଦାଂ ମା ଇଚା ଆକାୟ୍ । ୧୪ ଇନାକିଦେଂକି ଜଦି ଆସେଙ୍ଗ୍ ପାତ୍ କିନାସ୍ ଜେ, ଜିସୁ ହାଜି ଆରେ ରଗ ନିଙ୍ଗ୍‌ତାନନା, ଖାଟିଙ୍ଗ୍ ଇସ୍ପର୍ ଜେ ଜିସୁତି କ୍ରିସ୍ଟ ତାକେ ପାତ୍ କିଜି ମାଟି ମାନାୟ୍ ହାତାକାର୍ ମାନାୟାରିଂ ହେ ଲାକେ ତା ଲାହାଙ୍ଗ୍ ତାନାନ, ଇଦାଂ ପା ପାତ୍ କିନି ଲଡା ।

୧୫ ଲାଗିଂ ଆପେଂ ମାପୁତି କାତା ଇସାପ୍ରେ ମିଙ୍ଗ୍ ଇଦାଂ ଇଞ୍ଜନାପା, ଆପେଂ ଏଚେକ୍ ମାନାୟ୍ ମାପୁତି ଖାନି ପାତେକ୍ ଜିଜି ମାନଞ୍ଜି ବାକି ମାନାପ୍, ଆପେଂ ଇନେସ୍‌ପା ହାତାକାର୍ ମାନାୟାତ୍ ନିପ ହାଲୁପ୍ । ୧୬ ଇନାକିଦେଂକି ମାପୁ ଆପେ ବଲ୍ ହିଜି ମୁଡ୍ ଦୁତତିଂ କାଟ୍ ଆରି ଇସ୍ପତ୍ ମରି ବାଜା ହୁଦାଂ ସାଗେତାଂ ଜୁଦନାନ, ହେବେତାଂ ଇମ୍ପଣାକାର୍ କ୍ରିସ୍ଟତାକେ ମାନଞ୍ଜି ହାତାୟା, ହେଖାର୍ ପର୍ତୁମ୍ ନିଙ୍ଗ୍‌ନାର୍; ୧୭ ପାଚେ ଆସେଙ୍ଗ୍ ଏଚେକ୍ ମାନାୟ୍ ଜିଜି ମାନଞ୍ଜି ବାକି ମାନାସ୍, ମାପୁତି ଲାହାଙ୍ଗ୍ ବେଟ୍ ଆଦେଂ କାଜିଂ ଆସେଙ୍ଗ୍ ହେଖାର୍ତି ହୁକେ ବାଦାଡ଼ତ ଖାରି ପୁତ୍ ଜୁଦନାସ୍; ଇ ଲାକେ ଆସେଙ୍ଗ୍ ନିତ୍ତେ ମାପୁତି ଲାହାଙ୍ଗ୍ ମାନାସ୍ । ୧୮ ଲାଗିଂ ଇ ଡିଜାର୍ ବଚନ୍ ହୁଦାଂ ଏପେଙ୍ଗ୍ ହାରି ଦୁକ୍‌ସାରାୟ୍ କିୟାଟ୍ ।



ମାପୁତି ଆରେ ଖାନି କାଜିଂ ଜାଲ୍‌ଦି ଆଡୁ

୧ ମତର୍, ଏ ଟଣ୍ଡାର୍, ଆରି ତଣ୍ଡେକ୍ କାଡ୍ ଆରି ସମାନ୍ ଖେଡାଲିଂ ବିସ୍ତେ ଇନାଖାଡାଲିଂ ଇମ୍ପଣି ସମୁତ ଗିଟା ଆଦନାଡ୍ ମି

ଲାଗାଂ ଲେକିକିନାକା ଲଡ଼ା ଆକାୟ୍, ^୨ ✨ଇନାକିଦେଂକି ନାଶା ଚର୍ ହାତି ଲାକେ ମାପୁତି ଦିନ୍ ଜେ ଖାନାଡ଼, ଇଦାଂ ଏପେଙ୍ଗ୍ ହାରକିଜି ପୁନାଦେର୍ । ^୩ ଏଚେକାଡ଼ଦ ଲକୁ ସୁସ୍ତା ଆରି ହାର୍ ଆକାୟ୍ ଇଞ୍ଜି ଇଞ୍ଜି ମାନାର୍, ହେ ଏଚେକାଡ଼ଦ ଏସ୍ପିସ୍ତ୍ରି କୁଚ୍ନିକସ୍ତୁ ଲାକେ ହାଚାଚ୍ଟେ ହେଝାର୍ତି ନାସ୍ ଏକାଞ୍ଜାନାଡ଼, ଆରେ ହେଝାର୍ ଇନେସ୍ପା ବାନି ରାକ୍ୟା ପାୟା ଆଦେଂ ଆତୁର୍ । ^୪ ମତର୍ ଏ ଚଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ମାଜ୍ଗାତ ଆକାୟ୍ ଜେ ହେ ଦିନ୍ ଚର୍ ଲାକେ ପୁନ୍ଝିଲାଡେ ମି ଲାଗାଂ ଏକାଞ୍ଜାନାନ୍, ^୫ ଇନାକିଦେଂକି ଏପେଙ୍ଗ୍ ଝିଜାଦେର୍ ଅଜଡ଼୍ ଆରି ଝେଡାନି ହିମ୍ଣାଂ । ଆସେଙ୍ଗ୍ ନାଶା କି ମାଜ୍ଗାନି ହିମ୍ଣାଂ ଆକାୟ୍; ^୬ ଲାଗିଂ ଝାଡ଼ୁ, ଆସେଙ୍ଗ୍ ବିନ୍ନିକାର୍ ଲାକେ ହୁଞ୍ଜିଝାଦାଙ୍ଗ୍, ମତର୍ ଜାଗ୍ରଡ଼ ଆଜି ଚେଡନା ଆଜି ମାନାସ୍ । ^୭ ଲାଗିଂ ଇମ୍ଣାକାର୍ ହୁନ୍ଝି ହାନାର୍, ହେଝାର୍ ନାଶା ହୁଞ୍ଜି ହାନାର୍, ଆରେ ଇନେର୍ ମଦୁଆ ଆନାର୍, ହେଝାର୍ ନାଶା ହର୍ନାର୍ । ^୮ ✨ମତର୍ ଝାଡ଼, ଆସେଙ୍ଗ୍ ଝେଡାନି ହିମ୍ଣାଂ ଆତିଲେ ପାତ୍ କିନାକାର୍ ଆରି ଜିଉନନି ଲାକେ ମୁକ୍ତାନାକା ଚପ୍ତି ଆପ୍ ସ୍ ଆରି ମୁକ୍ତାତି ବାସ୍ ଲାକେ କାପ୍ଡା ଆତିୟାର୍ କାପ୍ଡାତ ହିଜି ଜାଗ୍ରଡ଼ ମାନାସ୍ । ^୯ ଇନାକିଦେଂକି ଇସ୍ପର୍ ମାଙ୍ଗେଙ୍ଗ୍ କାକ୍ତିନି ବାହା ଆଦେଂ କାଜିଂ ବାଚି କିଦ୍ଝାଦାଂ ମତର୍ ମାଂ ମାପୁ ଜିସୁ କ୍ରିସ୍ଟି ହୁଦାଂ ମୁକ୍ତାନାକା ଗାଚାଆଦେଂ କାଜିଂ ବାଚି କିତାନନ୍ନା; ^{୧୦} କ୍ରିସ୍ଟୁ ମା କାଜିଂ ହାତାନ୍ ଇନେସ୍ ଆସେଙ୍ଗ୍ ଜାଗ୍ରଡ଼ ମାନ୍ଞି କି ହୁଞ୍ଜିଝାଦାଙ୍ଗ୍ ମାନ୍ଞି ତା ଲାହାଙ୍ଗ୍ ଜିବୁନ୍ ମାନ୍ଝାଦାଂ କି ଜିବୁନ୍ ମାନ୍ଗାନାପ୍ । ^{୧୧} ଲାଗିଂ ଇନେସ୍ କିତାପ୍ନା, ହେ ଲାକେ ହାରିତିଂ ଦୁକ୍ସାରାୟ୍ କିୟାର୍, ଆରେ ହାରି ହାର୍ ଇଚାଟ୍ ।

ହାରିହାରା ହିକ୍ୟା ଆରି ନେକ୍ତିକାବୁର୍

^{୧୨} ଏ ଚଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଝାରି କିଦନାପା, ଇମ୍ଣାକାର୍ ମି ବିତ୍ରେ କସ୍ କିତାର୍ ଆରି ମାପୁତି ହେବାତ ମି ମୁଡ଼ଦାକାନ୍ ଲାକେ ବାଚିକିୟା ଆଜି ମିଙ୍ଗେଙ୍ଗ୍ ଚେଡନା ହିଦନାନ୍, ହେଝାରିଂ ଝାରି କିୟାର୍, ^{୧୩} ଆରେ, ହେଝାର୍ କାମାୟ୍ କାଜିଂ ହେଝାରିଂ ଜିଉନନିତ ବେସି ଜିଉ ନଝାଟ୍ । ହାରି ରଚେ ସୁସ୍ତାତ ମାନାଟ୍ ।

✨ **୫:୨** ୫:୨ ମାତିଉ ୨୪:୪୩; ଲୁକ ୧୨:୩୯; ୨ ପିତର୍ ୩:୧୦. ✨ **୫:୮** ୫:୮ ଏପିସିୟ ୬:୧୩-୧୭.

୧୪ ଏ ଟଣ୍ଡାର, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଞ୍ଜାରି କିଦନାପା; ଅରାହିଲ୍‌ଝି ଚିନ୍ତା କିନି ମାନାୟତିଂ ଜାଗ୍ରତ୍ କିୟାଟ୍, ସାସ୍ ହିଲ୍‌ଝାକାରିଂ ଦୁକ୍‌ସାରାୟ୍ କିୟାଟ୍, ନାଦାର୍‌ରିଂ ଉପକାର୍ କିୟାଟ୍, ଝିଜାର୍ କାଜିଂ ହୁଦାର୍ ଆଡୁ । ୧୫ ଜାଗ୍ରତ୍, ଇନେର ଇମ୍‌ଶାକାରତି କାଜିଂ ଅନ୍‌ୟାୟ୍ ବାଦୁଲ୍ ଅନ୍‌ୟାୟ୍ କିମେନ୍, ଇତିସ୍ ଏପେଙ୍ଗ୍ ନିତ୍ରେ ହାରିତିଂ ଆରି ଝିଜାର୍‌ତି ହାର୍ କିଦେଙ୍ଗ୍ ଜାଲ୍‌ଦି ଆଡୁ ।

୧୬ ସବୁଝେଡାଲିଂ ଦୁକ୍‌ସାରାୟ୍ କିନାକା ହାରି କିୟାଟ୍ । ୧୭ ନିତ୍ରେ ପାର୍ତାନା କିୟାଟ୍ । ୧୮ ସବୁ ଝେଡାଲିଂ ଜୁଝାର୍ ହିୟାଟ୍; ଇନାକିଦେଂକି ମି ବିସ୍ରେ କ୍ରିସ୍ଟ୍ ଜିସୁ ସୁକ୍‌ତାକେ ଇଦାଂ ଇସ୍‌ତର୍ ଇଟା ।

୧୯ ପୁଇପୁୟା ଜିରୁକ୍ତିଙ୍ଗ୍ ପାଗି କିମାଟ୍ । ୨୦ ନିତ୍ରେ ମାପୁ ତାକେ ବେଶ୍‌ବାକ୍‌ଶାୟ୍‌କିନାକା ପଲ୍ୟା ଇନ୍‌ମାଟ୍ । ୨୧ ମତର୍ ଝିଜୁ ବିସ୍ରେ ପରିକ୍ୟା କିଜି ହୁଡାଟ୍; ଇନାକା ନେକ୍ରାକା, ହେଦାଂ ଆସ୍ତି ଇଟାଟ୍; ୨୨ ଝିଜୁ ବାନି ବାନ୍ୟାତାଙ୍ଗ୍ ବିନେ ମାନାଟ୍ ।

୨୩ ସୁସ୍ତାହିଦ୍‌ନି ଇସ୍‌ପର୍ ତାଝେନ୍ ମାଙ୍ଗେଙ୍ଗ୍ ପୁରାପୁରି ପୁଇପୁୟା କିଦେନ୍, ଆରେ ମା ମାପୁ ଜିସୁ କ୍ରିସ୍ଟି ଝାନି କାଜିଂ ମି ଝାସ୍ତି, ପାରାଶ, ଗାଗାଡ୍ ବାତର୍ ଦସ୍‌ଆଝାଦାଂ ଇଟ୍‌ୟାୟେଡ୍ । ୨୪ ଇନେନ୍ ମିଙ୍ଗେଙ୍ଗ୍ କୁକ୍‌ତାନାନ୍, ହେଝାନ୍ ପାତର୍ ନିକାନ୍, ହେଝାନ୍ ହେଦାଂ ପା ପୁରାକିଦେଂ ଆଡ୍‌ନାନ୍ ।

୨୫ ଏ ଟଣ୍ଡାର, ଆରି ତଣ୍ଡେକ୍ ମା କାଜିଂ ପାର୍ତାନା କିୟାଟ୍ ।

୨୬ ଝିଜାର୍ ଟଣ୍ଡାରିଂ ପୁଇପୁୟାତ ତନ୍‌ଝି ଜୁଝାର୍ କିୟାଟ୍ ।

୨୭ ଝିଜାର୍ ଟଣ୍ଡାର ଆରି ତଣ୍ଡେକ୍ ତାକେ ଇ ଆକି ପାଟ୍ କିୟ୍‌କିନି କାଜିଂ ଆନ୍ ମାପୁତି ଆଦିକାର୍ ମିଙ୍ଗେଙ୍ଗ୍ ହିଦ୍‌ନାଙ୍ଗା ।

୨୮ ମା ମାପୁ ଜିସୁ କ୍ରିସ୍ଟି ଦୟା ମି ଲାହାଙ୍ଗ୍ ଆଏଡ୍ ।

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43